



CONCELLO DE VIGO
Secretaría de Goberno Local

D^a. PATRICIA RODRIGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 20 de maio de 2024**, adoptou o seguinte acordo:

5.- PROPOSTA DE OUTORGAMENTO DE AXUDAS MUNICIPAIS A FAMILIAS CON FILLOS E FILLAS EN ENSINO OBRIGATORIO, CURSO 2023-2024: EMENDA DE SOLICITUDES. EXPTE. 62759/332.

Visto o informe de fiscalización de data 14/05/2024, sométese a aprobación o informe-proposta do 10/05/2024, asinado pola xefa do Servizo de Educación, a concelleira delegada, a concelleira da Área de Goberno e polo concelleiro da Área de Goberno de Orzamentos e Facenda, que di o seguinte:

1.- A Xunta de Goberno Local, na sesión ordinaria do 17 de novembro de 2023 adoptou os seguintes acordos:

“PRIMEIRO: Aprobar o gasto por importe total de 5.842.500,00 (cinco millóns oitocentos corenta e dous mil cincocentos) euros, que se imputarán con cargo á aplicación orzamentaria 3260.480.0002 “Plan extr. axudas familias fillos escolarizados” dos orzamentos xerais do Concello de Vigo do exercicio orzamentario do ano 2023.

SEGUNDO: Aprobar a Convocatoria, o Extracto da mesma e as Bases Reguladoras para a concesión de axudas municipais a familias con fillos e fillas en ensino obrigatorio, que se achegan ao expediente.

TERCEIRO: Publicar, unha vez aprobadas, a Convocatoria e as Bases Reguladoras para a concesión de axudas municipais a familias con fillos e fillas en ensino obrigatorio, nos seguintes termos:

- As Bases reguladoras no BOPPO, no portal de transparencia e na páxina web do Concello de Vigo (www.vigo.org).*
- A Convocatoria na Base de Datos Nacional de Subvencións (BDNS), no portal de transparencia e na páxina web do Concello de Vigo (www.vigo.org). A publicación do extracto enviado á BDNS no Boletín Oficial da Provincia determinará o inicio do prazo para a presentación de solicitudes.*
- Os modelos de formularios normalizados para a presentación de solicitudes facilitaranse na páxina web www.vigo.org.”*

2.- As referidas bases foron publicadas no Boletín Oficial da Provincia de Pontevedra (BOPPO) núm. 225, de 22 de novembro de 2023 e o e o extracto da convocatoria remitido pola BDNS no BOPPO núm. 227, do 24 de novembro de 2023, así como na páxina web do Concello de Vigo (www.vigo.org). Conforme á base décima o prazo de presentación de solicitudes foi de dous meses contados a partir do día seguinte á data de publicación do dito extracto da convocatoria, finalizando o prazo o 24/01/2024, no que resultou a presentación de 17.403 solicitudes.

3.- A base segunda das reguladoras das “Axudas Municipais a familias con fillos e fillas en ensino obrigatorio” establece que a concesión destas axudas se realizará en réxime de concorrencia



| | | |
|--|--|---------------|
| Copia do documento - Concello de Vigo | Data impresión: 20/05/2024 14:32 | Páxina 1 de 4 |
| 62759-332 | CSV: ADA146-ECCFB4-BH3122-PGCZB8-8LDERZ-FD | |
| Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv | | |

competitiva sen establecer comparación entre as solicitudes e sen fixar unha orde de prelación entre as solicitudes presentadas que reúnan os requisitos establecidos nestas bases.

4.- A contía das axudas será de 205,00 (douscentos cinco) euros por cada fillo/a escolarizado/a que reúna os requisitos establecidos que se imputarán con cargo á aplicación orzamentaria 3260.480.0000 "Plan extr. axudas familias fillos escolarizados", dotada con 5.842.500,00 euros.

5.- A base décimo segunda das devanditas bases recolle no seu punto segundo que "*tendo en conta o elevado número de solicitudes a concesión das axudas poderá resolverse escalonadamente , a medida que avance o proceso de verificación.*"

6.- En consonancia co anterior, Xunta de Goberno Local, na sesión extraordinaria e urxente do 12 de febreiro de 2024 adoptou entre outros o seguinte acordo, relativo a un primeiro bloque de concesións das solicitudes verificadas ata o día 9 de febreiro de 2024:

"PRIMEIRO.- Conceder aos/as solicitantes que se relacionan no Anexo 1 deste acordo (8.535 solicitudes) as "axudas municipais a familias con fillos e fillas en ensino obrigatorio" coa asignación económica de 205 euros por cada fillo/filla matriculado/a en Educación Primaria, Educación Secundaria Obrigatoria, Formación Profesional Básica e Educación Especial, en centros docentes públicos e privados concertados sitos en Vigo, ou que estean empadroados/as en Vigo e matriculados/as nas mesmas etapas educativas en centros sostidos con fondos públicos sitos noutros municipios, por importe total de 2.380.255,00 euros con cargo á aplicación orzamentaria 3260.480.0000 "P. extr. axudas familias con fillos escolarizados" (...)"

7.- Posteriormente, a Xunta de Goberno Local, na sesión ordinaria do 22 de marzo de 2024, adoptou os seguintes acordos:

"PRIMEIRO.- Conceder aos/as solicitantes que se relacionan no Anexo 2 deste acordo (8.278 solicitudes) as "axudas municipais a familias con fillos e fillas en ensino obrigatorio" coa asignación económica de 205 euros por cada fillo/filla matriculado/a en Educación Primaria, Educación Secundaria Obrigatoria, Formación Profesional Básica e Educación Especial, en centros docentes públicos e privados concertados sitos en Vigo, ou que estean empadroados/as en Vigo e matriculados/as nas mesmas etapas educativas en centros sostidos con fondos públicos sitos noutros municipios, por importe total de 2.321.420,00 euros con cargo á aplicación orzamentaria 3260.480.0000 "Plan extr. axudas familias fillos escolarizados".

SEGUNDO.- Requirir aos/ás solicitantes que se relacionan no Anexo 3 deste acordo para que no prazo de 10 días hábiles, a contar dende a publicación deste acordo, emenden a súa solicitude ou completen a documentación preceptiva, coa advertencia de que de non facelo así, se lle terá por desistido da súa petición, logo da resolución que deberá ser ditada nos termos do artigo 21 da Lei 39/2015, do 1 de outubro, de procedemento administrativo común das administracións públicas (LPACAP).

TERCEIRO.- Dispoñer a publicación da relación de axudas concedidas (Anexo 2) e a relación de solicitudes que procede que sexan emendadas (Anexo 3) na páxina web do Concello de Vigo www.vigo.org, no portal de transparencia e no Taboleiro de Editos, surtindo esta publicación os efectos da notificación nos termos do disposto no artigo 45.1.b) da LPACAP."

8.- Rematado o prazo de emenda (do 25 marzo ao 9 de abril) procedeuse a verificar as solicitudes pendentes. Nesta fase do procedemento revisáronse 633 solicitudes resultando:

- 422 solicitudes foron emendadas polos interesados que completaron correctamente os datos das súas solicitudes e/ou achegaron a documentación acreditativa do cumprimento dos requisitos da convocatoria polo que procede a concesión da axuda. (Anexo 4)



| | | |
|--|--|---------------|
| Copia do documento - Concello de Vigo | Data impresión: 20/05/2024 14:32 | Páxina 2 de 4 |
| 62759-332 | CSV: ADA146-ECCFB4-BH3122-PGCZB8-8LDERZ-FD | |
| Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv | | |



CONCELLO DE VIGO
Secretaría de Goberno Local

- 211 solicitudes non acreditan o cumprimento de algún requisito da convocatoria ou non teñen achegada a documentación esixida polo que resultan denegadas.(Anexo 5)

Cómpre sinalar que o número de solicitudes revisadas (633) é superior ao que se relaciona no Anexo 3 (Listado de solicitudes para subsanar), por canto algúns interesados non completaran axeitadamente o proceso de rexistro da súa solicitude, pero si cubriran o formulario oficial habilitado para solicitar estas axudas dentro do prazo (do 25/11/2023 ao 24/01/2024); por outra parte, outros interesados presentaran por erro, dentro do prazo indicado, un modelo distinto ao específico para solicitar estas axudas, polo que non se contabilizaron no primeiro momento. En ambos os dous casos, as solicitudes que foron emendadas no prazo establecido ao efecto foron revisadas, concedéndose todas as que cumpren os requisitos.

9.- En data 9 de maio 2024 reuniuse a Comisión de Seguimento referida na base décimo sexta. Nesta reunión deuse conta á Comisión do proceso de emenda das solicitudes conforme a base décimo primeira, e do resultado da verificación das 633 solicitudes revisadas propoñendo a Comisión que se eleve á Xunta de Goberno Local unha nova proposta de concesión das axudas das solicitudes nas que concorren os requisitos requiridos e que foron emendadas no período concedido ao efecto (Anexo 4), por importe de 111.315,00 euros, e de denegación das solicitudes que non xustificaron o cumprimentos dos requisitos esixidos nas bases ou non achegaron a documentación requirida. (Anexo 5).

10.- No Anexo 2, que contén o listado de axudas concedidas pola Xunta de Goberno Local na sesión ordinaria do 22 de marzo de 2024, detectouse un erro do que cómpre dar conta a Xunta de Goberno Local: no documento 230399117 procede corrixir o nome da solicitante; o nome correcto é A.B. Acuña Sanín.

A presente proposta remitirase para informe preceptivo da Intervención Xeral Municipal, con carácter previo á adopción do acordo pola Xunta de Goberno Local.

O órgano competente para a adopción do presente acordo é a Xunta de Goberno Local de conformidade co artigo 127.1.g) da Lei 7/1985, de 2 de abril, reguladora das bases do réxime local.

1. Tendo en conta as Bases Reguladoras para a concesión de axudas municipais a familias con fillos e fillas en ensino obrigatorio propónse á Xunta de Goberno Local o seguinte ACORDO:

PRIMEIRO.- Corrixir o erro detectado no Anexo 2 que contén a segunda listaxe de axudas concedidas: o nome da beneficiaria da axuda indicada no documento 230399117 é A. B. Acuña Sanín.

SEGUNDO.- Conceder aos/as solicitantes que se relacionan no Anexo 4 deste acordo que emendaron en prazo a súa solicitude para as “axudas municipais a familias con fillos e fillas en ensino obrigatorio” coa asignación económica de 205 euros por cada fillo/filla matriculado/a en Educación Primaria, Educación Secundaria Obrigatoria, Formación Profesional Básica e Educación Especial, en centros docentes públicos e privados concertados sitos en Vigo, ou que estean empadroados/as en Vigo e matriculados/as nas mesmas etapas educativas en centros sostidos con fondos públicos sitos noutros municipios, por importe total de **111.315,00 euros** con cargo á aplicación orzamentaria 3260.480.0000 “Plan extr. axudas familias fillos escolarizados”.

TERCEIRO.- Denegar as solicitudes que non acreditan o cumprimento de algún requisito da convocatoria ou non teñen achegada a documentación esixida (Anexo 5).



| | | |
|--|--|---------------|
| Copia do documento - Concello de Vigo | Data impresión: 20/05/2024 14:32 | Páxina 3 de 4 |
| 62759-332 | CSV: ADA146-ECCFB4-BH3122-PGCZB8-8LDERZ-FD | |
| Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv | | |

CUARTO.- Dispoñer a publicación da relación de axudas concedidas tras subsanación (Anexo 4) e a relación de solicitudes denegadas ao non teren sido emendadas en prazo (Anexo 5) na páxina web do Concello de Vigo www.vigo.org, no portal de transparencia e no Taboleiro de Editos.

Contra o presente acordo, que esgota a vía administrativa, cabe a interposición de recurso de reposición ante o órgano que o dita no prazo dun mes ou recurso contencioso-administrativo ante os Xulgados do Contencioso-Administrativo de Vigo no prazo de dous meses, ámbolos dous prazos, contados a partir do día seguinte á publicación do acordo, de conformidade cos art. 123 e 124 da Lei 39/2015, de LPAC e 8.1 e 46.1 da Lei 29/98, RXCA. Porén, interposto o recurso de reposición non caberá interpoñer recurso contencioso-administrativo ata que sexa resolto expresamente o primeiro ou se produza a súa desestimación presunta polo transcurso do prazo máximo dun mes establecido para ditar e notificar a resolución.

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE
Abel Caballero Álvarez



| | | |
|--|--|---------------|
| Copia do documento - Concello de Vigo | Data impresión: 20/05/2024 14:32 | Páxina 4 de 4 |
| 62759-332 | CSV: ADA146-ECCFB4-BH3122-PGCZB8-8LDERZ-FD | |
| Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv | | |